

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَبُو سَيِّدِي تَبَكُّو لَو كِي مَارَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



TIGA DEKAD BERSAMA UiTM (2)

Ahmad Nawawi Yaakob, Nurul Badriyah Ali,
Khadijah Amira Abdul Rashid

Saya mula menjejaki UiTM Segamat awal tahun 1991. Bangunan yang ada hanyalah dalam lingkaran bulatan yang menempatkan bangunan pentadbiran, dua blok pensyarah dan tiga blok kuliah. Pejabat Rektor (Pengetua/ Provos) di tingkat tiga dan pejabat Rektor yang sedia ada sekarang asalnya adalah sebuah bilik mesyuarat.

Perpustakaan terletak di aras bawah Blok Pentadbiran (kini dijadikan Pejabat Akademik) sebelum bangunan tersendiri dibina bersebelahan Blok Akademik A dan Penawar. Bilik cetak yang dihuni En Latif dan En. Rahman bersebelahan Bilik Rehat Pensyarah yang kini dijadikan Bilik MPP. Mesin fotostat berfungsi ligat ketika itu bagi memenuhi keperluan pengajaran dan pembelajaran. Kertas kerja seminar dan dokumen akademik semua dicetak dan memerlukan kertas dan tenaga yang banyak.

Perkembangan fizikal berikutnya berkembang dengan pembinaan blok asrama sektor C yang menempatkan Suluk Belingkung, Intan, Zamrud dan Sempana Alam Buana. Blok Karyawan dibangunkan pada masa Prof. Dr. Omar Samat menjadi Rektor (kali pertama), dan Blok Fasiliti dibangunkan berhampiran parkir bas dengan kemudahan yang lebih selesa. Sebelum itu, Pejabat Fasiliti terletak di tingkat tiga Blok Pentadbiran.

Perpustakaan baharu dibina dengan kapasiti yang lebih besar berupaya memenuhi keperluan pelajar yang kian bertambah. Pn. Maznah adalah ketua pustakawan yang merasmikan blok baharu sebagai legenda kemegahan UiTMJ. Fasiliti lain yang dibangunkan kemudiannya ialah gimnasium dan astaka. Dewan makan yang telah tamat perkhidmatannya diubah suai menjadi bilik kuliah dan dewan seperti Dewan Sri Peria dan Dewan Kuliah Sri Pegaga.



Bagi memenuhi keperluan kafeteria yang lebih baik, Prof. Dr. Omar Samat mengambil inisiatif menarik pelabur luar untuk membina NR Cafe dan Intan Food Court. Kemudahan perkomputeran dan internet diletakkan di bawah tanggungjawab Unit IT diketuai Puan Mimi Hasliah sehingga kini. Prasarana yang wujud berupaya memenuhi keperluan pelajar dan melengkapkan asas sebagai sebuah universiti.

Saya bertuah berada di bawah payung kepimpinan lapan orang Rektor (gelaran bertukar daripada Pengetua kepada Provos, Pengarah dan akhirnya Rektor) yang masing-masing mempunyai kewibawaan tersendiri. Prof. Dr. Sahar Sawiran yang dikatakan 'garang' tetapi sebenarnya mempunyai jiwa pengasih yang tinggi, Dr. Mohamed Hashim Kamil membawa perubahan fizikal pada ruang legar Blok Pentadbiran dengan mewujudkan Galeri Korporat dan ubah suai ruang yang lebih baik. Dr. Omar pada dua sesi Rektornya membawa dua nada yang berbeza, mungkin pengalaman pertamanya membawa kepada pendekatan yang lebih harmonis pada kali ke dua. Dusun durian adalah ilham dan kesungguhan beliau untuk direalisasikan yang dilengkapkan berikutnya oleh Prof. Dr. Ismail Ahmad. Dr. Muhd Kamil Ibrahim menaik taraf Masjid asy-Syakirin dan banyak membantu kenaikan pangkat kalangan pensyarah dan pentadbir. Gagasan perubahan minda dan peribadi cukup diambil berat oleh beliau dan kesannya hingga kini membulatkan staf pada solat berjemaah. Dr. Azizan Abdullah dan Dr. Ahmad Naquiddin Bakar mempunyai pengaruh tersendiri di kalangan staf. Prof. Ismail Ahmad menerajui UiTMJ pada era Covid-19 yang tentu cabarannya lebih perit, sebelum dilanjutkan Prof. Madya Dr. Saunah Zainon. Dr. Saunah mempunyai aura tersendiri dan banyak pembangunan dapat dijalankan seperti penurapan jalan utama UiTMJ serta hubungan baik dengan pihak luar, khasnya kerajaan negeri Johor yang kian menyerlah. Secara peribadi saya melihat perubahan fizikal dan prasarana serta mereka yang menggerakkan UiTMJ silih berganti dan memberi impak yang tersendiri. Pembangunan sesebuah universiti pastinya memerlukan kewibawaan pemikir tertinggi dengan sokongan padu staf dari semua peringkat. Kita bekerja bukan untuk hari ini, tetapi membina generasi dan tabungan amal untuk masa hadapan.